



*Philip von Schantz, Anguriis,  
1985*

*il garoful salvadi al  
fâs rosse le aghe dal sfuei ...  
fintant che l'Istât al  
cessarà il so miracul: compagn che lis feminis e plein lis lôr cotulis, o i  
predis e metint vie ducj i simbui, cuant che il sacrament al è distrigât ...  
(Emily Dickinson,  
1830-1886)*

\*\*\*

fetis di fieste di muardi daurman, cence cualchi fastidi: jenfri ferbint, cuant che ogni dì al somee di vacanze. i sparagns un sù l'altri, dâts al cramar de Basse e po ducj intun a gjoldi le angurie. mature. ridint, ma di gust, ancje cence parcè:

se no chel di existi. se no le sorprese di baticûrs in zermoi. di zuiâ in  
preludi al doman colm di insiums: che ognidun al à in olme.

*... e lis frutis ?*

jo chês frutis les ai inmò intai voi: gaiarinis e claris  
come tantis cisilis. e tant che cisilis non savarès plui clamâlis par non. al  
infûr di 'Sesûte che non à dite mai nuie, diventant nome rosse. e Rinûte che e  
rideve di cûr, tal parâsi des mans lizeris e legris, svoladiis tal zuc,  
slungjadis curiosis tor chês formis tarondis ... *boes, sù po!... stait fers ...*  
magjie di seradis d'istât, sul cuel in face a la glesie, a  
gjondâ di bocons di esistence: smorseâ l'avignî puartant vie rideçs. e cirint  
ogni tant une cise, a parâsi: lôr di une bande, sot vie. e nô di chê altre, vosant:  
par un dasi valôr. i masclis si sa e son simpri indaûr in stagjon. iludintsi  
par là, di sfrancjâsi a peraulis.

ju ai pierdûts ducj di viste chei timps, cui amis e lis  
spietis. o soi lât vie lontan, intal plen de stagjon: inte grande citât, no  
savint di nissun. cence orts ni profums, si no chei dai marcjâts. no ai  
cjatadis 'Sesûtis, e chi lis Rinûtis no ridin di cûr, lant di corse al parcè. cemût  
fâ: lâ indenant. smenteâ. par fortune, il confâ, no mi è mai mancjât. il padin  
lu ai cjatât: no domandi di miôr. di stes ogni istât mi fermi a cjalâ i bancons  
des anguriis. ... ma e son come cocis! smavidis, lungjis. o ai provât a comprant  
qualchi volte: ma ai fruts no ur leve « e

*an masse seputis li ator: parcè, disistu ... »* o pues dîus di sigûr, che al è  
just tal lôr estri ...

e jo di sigûr volarès cjatâ fûr chel plasè di cerçâ, in dut gust  
e inocence e cul stes baticûr, une fete di vite a leâ il cuarp cu l'anime.  
amant ogni istant cun mans che trimulin, lavris in sfese e voi ingropâts: in  
dute sorprese.

... po no si è mai contents!

***dal Passadôr***

**#282**